

Pecut motor tinggal kekasih dicekup

KULIM - Gara-gara takut dicekup, sepasang kekasih berusia antara 17 dan 18 tahun yang sedang melakukan hubungan seks melarikan diri ketika didekati kumpulan penduduk kira-kira jam 3.45 pagi, di pondok rehat taman perumahan, di sini semalam.

Aktivis badan bukan kerajaan Kulim, Mohd Rashdan Yaakob, 30, berkata, dia menerima maklumat penduduk yang curiga dengan kehadiran motosikal diletakkan di dalam pondok rehat di situ.

Menurutnya, ketika dia bersama tiga penduduk lain mendekati lokasi pasangan terlibat, si perempuan menyedari kehadiran mereka.

"Mulanya disangka motosikal dalam pondok rehat itu mungkin dicuri memandangkan terdapat beberapa laporan kehilangan motosikal hari ini, jadi kami membuat intipan.

"Kami nampak motosikal, tapi suspaknya tidak ada. Setelah kami berada kira-kira 10 meter dari pondok itu, kami terdengar suara perempuan. Kami buat rancangan menahan kedua-duanya, namun pasangan perempuan yang memakai baju kurung tiba-tiba bangun dan melarikan diri dengan motosikal," katanya.

Mohd Rashdan berkata, pasangan lelaki di pondok itu tidak dapat melarikan diri lebih jauh kerana tidak berseluar, tetapi masih berbaju.



Terdapat tinggalan kondom di lokasi pasangan remaja terbabit melakukan hubungan seks. Gambar kecil: Mohd Rashdan

Menurutnya, setelah ditahan pihaknya menasihati remaja lelaki terbabit berhubung perbuatannya bersama pasangan yang tidak baik dan berdosa sebelum dia dilepaskan.

Katanya lagi, perlakuan maksiat melibatkan remaja semakin membimbangkan dan kebanyakan mereka terdiri kalangan pelajar sekolah.

"Selain padang permainan, pasangan terlibat akan melakukan 'hubungan' bersama kekasih di bangunan tinggal. Sepanjang minggu ini, tiga pasangan kekasih berjaya ditahan dalam keadaan mengaibkan.

"Mereka ditahan selalunya beri alasan, keluarga telah tahu hubungan

mereka, sudah bertunang atau akan bernikah tak lama lagi," katanya.

Menurutnya, hukuman pasangan mahupun penjara terhadap pasangan remaja yang kebanyakannya tidak mempunyai duit poket sendiri bukan cara positif mendidik masyarakat.

Mohd Rashdan berkata, antara cara boleh digunakan adalah dengan mengadakan dialog bersama penduduk atau memberi tumpuan kepada pelajar bermasalah.

"Lagipun yang ditahan dan didenda orang Islam dan bukan mereka berstatus sebaliknya yang boleh tersenyum kerana tak perlu dikenakan tindakan sama," katanya.

Sinar 2/6/12 MS54